

Txirritola

ARAMAIO / Egubakoitza / 2002ko urtarrilaren 11 / 11. zenbakia

KOORDINATZAILEA: Ubane Madera • Otolara Lizentziaduna z/g 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com

Abiadura Handiko Trenaren kontrako ekitaldiak izan dira

UBANE MADERA

Abiadura Handiko Trenaren kontrako ekitaldiak egin dituzte oraingo astean Aramaion. Batetik, tren horrek herrian izango duen eragina adierazten duten panel informatiboak ipini dituzte herrian, eta bestetik, eguaztenean, tren horren gaineko hitzaldia izan zen Kultura Etxean.

Hauek izan ziren hitzaldian: Maite Aristegi, EHNE sindikatuko bozeramailea; Alberto Frias,

Lurra taldeko ordezkaria; eta Niko Moreno, Elorrioko alkatea eta AHT Elkarlanean taldeko ordezkaria. Abiadura Handiko Trenak eragingo dituen kalteak salatu zituzten Kultura Etxean.

Hitzaldiaz gain, tren horrek Aramaion eragingo dituen kalteak ere salatu ditu Aramaio AHTren aurkako taldeak. Horretarako, Ibarra informazioa emateko zenbait panel ipini dituzte. Salatu dute, adibidez, "7.000.000 m² mendi, zelai eta baserri desagertuko direla betiko", trenak 280 kilometro orduko abiada izan-


go duela eta horrek ibilbide berezia eskatzen duela, "bat ez datorrena Euskal Herri menditsua-rekin, kalte handiak eraginaz". Horrekin batera, besteak beste, sortuko diren zabortegiak, lur eta ur mugimenduak ere salatu dituzte, baita animaliei egingo dien kaltea ere.

Aramaio Udalak alegazioak aurkeztu zizkion AHTren aurreproiektuari. Udalaren ustez, lan handi horri buruzko xehetasun gutxiegi ematen zituzten. Baina alegazio horiek ez zituzten onartu.

NONDIK NORA


Eskoriatzatik etorriko da Aramaio Abiadura Handiko Trena. Bost kilometroko ibilbidea izango du, tartean 530 metroko zubia izango du trenak eta 3.280 metroko tunela.

Eskoriatzako Mazmela auzotik sartuko da Aramaio, lur azpitik. Orain arteko proiektuaren arabera, Asensio eta San Adrian mendien artean pasatuko da. Gero, Zabola auzoaren eskuinaldetik joko du, eta Bolinburu ingurura irtengo da. Sarturten batzuk egingo ditu handik aurrera, Kataiako bidegurutzeraino. Han zubia eraikiko dute eta berriro lur azpian sartuko da, Cuatrovientos azpitik.



UBANE MADERA

Abiadura Handiko Trenak eragingo dituen kalteak salatu dituzte.



Gazte lokalak erabiltzeko irizpideak

Herriko gazteek estreinatu dituzte dagoeneko Kultura Etxean euren egokitutako lokalak. Hiru dira, eta denetarik dute han: telebista, futbolina, billarra... Orain, gazte lokal horiek erabiltzeko, Udalak erabakitako kontratua sinatzea besterik ez zale falta. Kontratua urtebeterako izango da, eta gazte lokalen erabilera zehazten duten irizpideak jasotzen ditu. Adibidez, lokalen garbiketa gazteen esku geratzen da, eta asteburuetan eta jaiegunetan ere komunak garbitu beharko dituzte; fidantza ordainduko dute; ezin dute erre eta ezin dute hormarik zulatu.

ATREBENTZIAEZPADA/ Zelan euroekin? Gauzak lehen baino garestiago daude?



MIKEL ALTUNA
Ikaslea

Nahiko ondo konpontzen naiz euroekin, baina zein prezio den arabera, batzuetan txarto. Gauza batzuk lehen baino garestiagoak dira, beste batzuk ez.



MIKEL MENDIKUTE
Ikaslea

Ez dut euroa probatu, baina uste dut gauza batzuek gehiago balioko dutela eta beste batzuek ez. Paga ematen didatenean hasiko naiz euroa erabiltzen.



JON ANDONI ASPE
Langilea

Orain arte ez dut igarri biribiltzen dutenik; adibidez, 1.300 balio badu, justu-justu azkeneko zentimoraino agertzen da, nire kasuan, behintzat.



AMAIA URIARTE
Ikaslea

Normal nabil euroekin, baina uste dut prezio batzuk asko igo direla. Orokorrean igarri dut: adibidez, litxarrerietan, Eroskin...



LUCIA ASTONDOA
Etxekoandrea

Oraindik ez diot antzik ere hartu euroari, azkenekopezetekin nabil, baina beldur naiz ez ote naizen zoraturako. Biri-billetarekin prezioak igoko dituzte.

LABUR

Zentsuko datuak berritzeko lanak bukatu dituzte

Martitzenean bukatu zituzten Aramaio zentsua berritzeko lanak; hain justu, kaleko lanak edo herritarren datu biltzeko. Nekane Arana oletarra ibili da Aramaion kaleko lan hori egiten. Eta, eskerrak eman gura ditzkie, oro har, herritar guztiak eman dioten harreragatik eta bereziki, Udaleko langileek eta auzo-alkateei, egin beharrek lana asko erraztu diotela. Orain, jasotako datu guztiak estatistikak egingo ditu, besteak beste, Estatistikaren Institutu Nazionalak.

TELEFONOJAKINGARRIAK

OSASUNA / LARRIALDIK

Osasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zulako Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
12:00	12:15	13:00
15:20	15:35	16:20
20:30	20:45	
GASTEIZ	ARAMAIO	ARRASATE
08:30	09:15	09:30
13:10	13:50	14:05
	17:00	17:15
19:30	20:15	20:30

LABUR

2002KO TELEFONOEN GIDA
Datorren astetik aurrera, 2002. urteko telefonoen gida hasiko dira banatzen. Goiena Komunikabideen ardurapean, 12.300 gida banatuko dituzte Arrasaten, Aretxabaletan, Eskoriatzan, Gatzagan eta Aramaion. Esan bezala, datorren astean hasiko dira banatzen, baina, jakina, leku batzuetara beste batzuetara baino geroago iritsiko da. Edozelan ere, arazoren bat izanez gero, deitu 943 712391 telefono zenbakira.

ARETO FUTBOLA

Bihar, zapatua, gizonezko kadeteek Gasteizko El Campillo-ren kontra jokatu dute, 10:30ean; eta emakumezkoek Legutiorren kontra, 11:30ean, Aramaio-ko kiroldegian.

BERTSO SAIO ARRAKASTASUA


Joan den asteko barikuan, bertso jaialdia izan zen Kultura Etxean. Manex Agirre, Unai Iturriaga eta Xabier Silveira aritu ziren, Jokin Labaien mondragoe-tarrarekin eta Manex Agirre aramaioarrarekin batera. 140 lagun batu ziren.

KULTURA

Gizarte Segurantzako pentsiodunendako bainuetxeetara bidaiak

Gizarte Segurantzako pentsiodunak bainuetxeetara joateko izena emateko epea zabalik dago. Interesá duenak Udalean eman beharko du izena, betiere, honako baldintza hauek betez gero: erretiro eta ezintasuna dela-eta pentsiodun direnek baldintza barik joateko aukera izango dute. Eta alarguntzagatik edo bestelakoengatik pentsiodunek 60 urte-tik gora izan beharko dituzte.

Eskaerak egiteko, gizarte laguntzailearen Udaletxeko bulegora jo beharko da, eguaztenetan, goizeko 12:00etatik 14:00etara bitartean. Otsailetik abuztura bitartean joan gura dutenek urtarrilaren 20a baino lehen egin beharko dute eskaera. Irailetik abendura bitartean joan gura dutenek, berriz, maiatzaren 16a baino lehen.



BOTEPRONTOAN/ Unai Uribarren · Pilotaria

“Onenek jokatu beharko lukete, ez enpresek erabakitakoek”

Unai Uribarren aramaioarrrak eta Mikel gasteiztarrrak Arabako amateur mailako pilota txapelketa irabazi zuten abenduan, Gereño eta Martínez pilotariei finalean 22-21 irabazita. Gu Unai Uribarrenekin izan gara. Etxaguen auzoko Uribarren baserriko 27 urteko gaztea da hura. Hara zer kontatu digun:

Noiztik pilotari?

Txikitatik, 8-9 urte nituenetik.

Zergatik?

Etxean amari betidanik gustatu izan zaio pilota, baita osabari ere...

Amateur mailako txapelketa irabazi duzu. Goraino iristea da zure helburua?

Ez, hemen, Araban, ibili gura dut, hemen inguruan jokatu eta kito. Profesionala izatea oso zaila da, oso ona izan behar zara horretarako, bestela ez

dago ezer egiterik. **Zer iruditzen zaizkizu Aspek eta Asegarcek egindako aldaketak? Lege berriak...**

Hori profesionalen mundua da, eurek gura dutena egiten dute eta hor ez dago inork ezer esaterik.

Barriolarekin gertatutakoari zer deritzozu?

Uste dut azkenean txantajea egin diotela: sinatuz gero, jokatu egingo luke eta sinatu ezean, kalera. Uste dut pilotari onenek jokatu beharko luketela, eta ez enpresek gura dutenek.

Zein aukeratuko zenuke Retegiren ordezkotzateko?

Niri, berez, Eugi asko gustatzen zait, baina azkenaldi honetan finalean ez zait askorik gustatu.

Gustatzen zait nahiko konpletua delako: ez da oso handia, nahiko ondo jokatzeko



du... eta bestetik, oso indartsua da eta indarrarekin jokatzeko du. Gainera, izan dituen lesioak izan eta gero... **Aramaio-ko kiroldegian**

HERRIKO JOLASAK

AKILINO BARDAUNDI

Partaideek jokatzeko leku bat aukeratzeko dute eta zotz eginda erabaki nor izango den Akilino Bardaundi. Pertsonaia horren papera egiten duenak eskuan makila handi bat izaten du. Beste guztiek bere izena oihukatzen dute, eta berak harrapatu eta makilarekin *egurre* ematen du.

Jolas hau kanpoaldean egiten zen eta neguan batik bat, berotzeko. Eskolara joateko adina zuten mutilen artean jokatzeko zen.

KANTOI-KANTOIKIA

Bost partaide dira beharrezko eta lau kantai aukeratu behar dira, elizpekoa, etxeetakoak edo zuhaitzak. Pertsona bat erdian eta besteak kantai batean jartzen dira. Bi partaide gurutzatzen diren bitartean, hauen postuak libre geratzen dira. Erdian dagoenak une hori aprobetxatu beharko du postura heltzeko eta beste bat baino lehenago heltzen bada, bestea erdira pasatu beharko da.

EGUZKIGRAF
inprimategia

Industrialdea F-0-4
Telefonoa: 791844
Faxa: 792941

ARETXABALETA

BEHERAPENAK!

ZABALA
oinetakoa

53 urtean elkarrekin ibili gara

Erdiko kale, 18 • Tel.: 943 79 14 27